

Matchbericht 4 Liga b

18. Januar 2016

Spielbeginn 20:00

SV Thun-Strättligen - Volleyball Papiermühle A

Spielerinnen: Raphi, Chrigä, Larissi, Tamä, Jasmä, Sabä, Rebi, Däni Shotty u
Martina

Resultat: 3:0 (25:15 25:12 25:18)

So itz chunts im zwöite Spiu vor Rückrundi zum Spitzekampf gägä d Papiermühli☺
Mir hei aui gwüsst das es e herte Kampf wird. Am 8ti het du das Spiu a gfange u mir
hei aui d Chraue füre gno u si vou parat ufe Bitz gstange!

Scho am Afang isches üs rächt guet gloffe, mir hei aues gä u mir hei gmerkt das si
chli Müeh hei mit dere chline töife Haue. Drum hei mir so Druck gmacht das mer se
scho im erschte Satz 25:15 bodiget hei !

Im zwöite Satz hei mer gwüsst, itz dörfe mer eifach nid na la, wiu si sicher itz aues
gä. Aber o i däm Satz hei si Müeh gha. Mir hei sehr gueti Service bracht so das vii
Bäu scho bir Abnahm bi Ihne a Dechi ueche klepft si...:) Da natürlech üsi Haue nid so
höch isch...! Trotz paarne Wächsle bi Ihne het aues nümme gnützt u dr zwöit Satz
isch du o a üs gange mit 25:12!

„Sooo itz mache mer dr Sack zue“ hei mer gseit ! U dr dritt Satz het agfange.
Es louft gad genau glich witer wie i dä vordere Satz , super Aspiu, gueti Abnahme u
o d Agriffä si rächt guet glüffe. U schlussändlech isches du üs glunge u hei dä Satz
ono gwunne. U somit hei mer witer 3 Pünkt ☺ Ds Foto hei mer du usse gla ;)

Ehhhh Pjoooooscht ☺

Weiter sooooo !!!!!